

鶴山先生大全文集

四

蘇子卿
船
PDG

重校鶴山先生大全集卷三

表牋

漢州到任謝表

六年去國存叨趣

音促漢高紀令趣請印月令仲秋趣民收斂

詔之嚴三命

循牆實獲便麾之請幸將親之有所荷從欲之無

違祗服恩靈罔知稱塞伏念臣稟資愚戇涉學迂疎

偶奮迹於儒科遂竊榮於朝蹟尋被禁林之給札以

階蓬省之讎書屬疆事之方殷沮權姦之輕舉雖公

孫丞相發蒙耳如尹氏太師不平何懼久居中壑求

補外未書來郡之績兩奉賜環之音于時多艱遭家

弗靖神雖馳於魏闕身重去於親庭冒貢枕袁果回

淵聽乃荷分符之寵驟拘反汗之嫌臣所領州今曰
望郡旁接渚瀆之境中居梁益之間民力漸殫詎催
科之敢急士風微獷尤教化之當先顧臣何人蒙國
分寄茲蓋伏遇 皇帝陛下恭儉修己緝熙實心三
后在天動遵成憲五年更化行底康功猶邁東於班
聯俾承宣於郡國臣敢不益肩素履仰體瞻懷視民
如傷冀發施於仁政行已所學尚對越於天威終竭
微誠永酬親擢

被旨兼權潼川軍判謝表

謬陳時臬負且乘以奚堪攝領將輸祝代庖而有覲
處非所據愧甚於榮忝念臣猥以陋儒躡將隆指繫

庶獄小大之比酌常平歛散之宜共三以來無二可
紀曾謂漕臣之久曠又塵睿旨之中頒垂三組以聯
榮對兩臺而兼治重惟飛輓之置使豈惟期會之收
司崇學校以厲賢持銓衡而選吏茲惟重寄併及非
材雖暫假於須臾亦靡皇於進退茲蓋伏遇 皇帝
陛下位無輕授爵不濫施念臣存領於州麾粗聞政
術謂臣久司於臬事尤習民風且俾攝承以須選授
臣敢不恪共明詔遵奉察條無子路兼人之能自知
甚審雖叔孫一日之暫必葺爲期

潼川提刑司賀 瑞慶聖節表

帝暉御極受羣臣十月之朝邦獻同心歌天子萬年

之雅上儀載舉美報維均恭惟 皇帝陛下遠續九
皇近繩三后伏歷年之堅忍共濟艱難憑一念之嚴
恭潛銷旱暵將以垂鴻於億載豈惟歛錫於庶民臣
將指遐陬傾心宸極以介景福既稽首以揚休克共
明刑將祈天而永命

潼川轉運司賀 瑞慶聖節表

維十月之良月爰啓休符紹三王之顯王誕膺景命
於惟邦慶允洽民懽恭惟 皇帝陛下淵嘿九重仔
肩一德匪徒耽樂文后之徽柔懿恭爰究劬勞宣王
之還定安集方歲行之在子正帝立之當辰率時有
截之區逯續無疆之筭巨暫司漕事喜還昌期爲天

下君既備箕疇之福使聖人壽願伸華祝之辭

潼川提舉司賀 瑞慶聖節表

三代有道之長篤生真主萬年受天之祐載紀休符
吐氣麾洪丕生闡澤恭惟 皇帝陛下適祇祖武迪
畏天明寒暑平而三光全陰陽和而萬物得式歌長
發胥慶誕彌奠二氣以維和域八荒而俱壽臣有嚴
司庾莫克揚庭舉百世莫能違斯道聿同於至聖長
上古不爲老至和祈轉於洪鈞

潼川運判謝到任表

攝官承乏無補將輸滿歲爲真誤叨申命撫江山之
維舊悅雨露之更新伏念臣自歷試於外庸遽躡乘

於使傳且庶獄小大之比與常平歛散之宜揆以短
中一之謂甚胡然誤東二者得兼矧漕寄之所關於
坤隅而尤重豈簿書之是務抑澄按之當先況建學
立師將助秩宗之典而量能授職又分選部之衡自
昔假名已勲代斲于今即拜寧不疾顛明時何至於
乏才使指豈難於改畀不圖華遣海及寒蹤茲蓋伏
遇 皇帝陛下恪謹身脩適祗天顯曷知人之堯哲
民欲其安推明物之舜仁務先所急致令庸陋猥備
馳驅臣敢不遵奉察條敬共明命土風里俗既盡得
於諏謀王澤國章尚勉圖於宣布

直祕閣知潼川府到任表

角巾故里慨夙志之推頽皂蓋東藩誤清朝之東記
申畀木天之舊直式華土地之新封得之若驚望不
及此伏念某賦姿蒙穎莅事闊疎既耽玷於讞平俄
謬將於輦轉方渡瀘之有命遽陟此之纒悲興言初
必寧復榮望矧時多故爲吏滋艱邠疆煽燎之方揚
民力張弓之未弛承流之始圖稱無能茲蓋恭遇

皇帝陛下畏迪天明惠綏恭獻謂臣歷將使指或土
俗之粗諳念臣荐擁州麾必民情之熟察特令宰郡
以便起家臣敢不祗遵訓詞誕敷德意弭艱恤隱俾
田里無愁嘆之聲旌淑禁非以庠序申孝弟之義力
行已志上報主知

謝周程三先生賜謚表

大儒輩出卓爲正學之宗下使周諮敢舉尊名之典
俞音才蕝善類知歸臣切惟聖道之晦明寔兆世塗
之理亂自犧黃發河圖之祕堯舜謹道心之傳粵商
周受命之初凡誥誓羣言之首必論降衷之性必明
爲物之靈至若箕子陳九疇以叙民彝周公設六官
以爲民極君陳以大猷變民厚君牙以五典示民中
尹吉甫作東彛之詩劉康公開受中之訓蓋興君令
辟之所以教而羣公先正之相與言皇王以來不謀
同符春秋而降幾絕如綫極於六藝之作與夫七篇
之書孔欲無言孟豈好辯凡以扶天理而遏人欲傾

時否而康世屯而權謀競興邪諛又作詞華代起科
目相挺雖董仲舒嘗求仁於道誼功利之分而諸葛
亮亦鞠躬於成敗利鈍之外洎韓愈之卓識謂孟軻
之無傳然一傳而衆咻獨倡而寡和斯文不拯神氣
有開挺生豪傑之同時尚友聖賢於異世自周顧圖
書之既作而程顥弟兄之相承雖幽極鬼神實驗於
躬行之近雖窮探性命不離乎日用之常未嘗躡筭
以好高大要近思而退省豈獨振千年之墜緒殆將
開萬世之升平而從祀之請未俞節惠之文尚闕貌是
庸虛之跡偶塵勸學之司籲天有聞躋地無措敢意
奏篇之再遽蒙錫命之三速戒攸司各放美號茲蓋

恭遇 皇帝陛下適祗元命駿惠帝猷念大道之湮
微賴諸儒之扶植今美謚既先於後學而褒章未
被於前脩莫標倡道之源豈謂彌文之曠特章好
以示俗不以人而廢言事光流聞時謂初見是謹當
証駁不訓數倣羣倫明正道道民開示君師之意使
先覺覺後維持天地之心善人浸多斯世永賴

立皇子賀皇帝表

聖謨密運哲嗣明登仰遵二祖之已行不待羣臣之
屢請官占胥叶師錫允諧恭惟 皇帝陛下迪畏天
明適祗先訓言念承桃之重肇開燕翼之祥皆文王
孫子之本支永大漢山河之帶礪遠承 藝祖喜無

疆大曆之歸近考孝皇均有道曾孫之慶葉濫分
地守阻覲庭揚定大事決大謀既篤家邦之祐聞正
言行正道願觀師友之功

賀皇后踐

禁中決策爲天下以得人海內同心歌吾君之有子
母儀既奠嬪則用章皇后殿下配日照臨承天亭
育遠參任妙蔚彤史之徽音近法曹高著椒塗之令
則仰贊皇支之議俯寬深室之憂巨猥以遐藩親逢
盛典自家刑國旣覩交愛之功求賢審官更懋相成
之志

明堂大禮肆赦賀慶成表

宗祀以配上帝既訖崇儀歛福而錫庶民爰敷衛術
丞生闡懌率土歡呼恭惟皇帝陛下淵嘿無爲嚴
恭自度茲歲行之在巳而日吉之維辛震盥待祠鼎
亨享帝垂恩隤祉不遺輝翟之微盪垢滌瑕式霽風
雷之令臣叨居遠服喜還昌期想卿士之奉璋駿奔
靡及陪老癯之扶杖宣布惟勤

賀受寶表

恭覩 詔書以來年元日受寶文於大慶殿者明命
誕膺披地圖而數貢遠人咸慕奏天府以效珍播告
維新奉安有恪且聞方物雖昭德之致寶鎮則爲國
之華符古印於咸陽哲廟所以成太平之治獻元

重於興化 高皇所以開再造之符然蟲書尚龍於
秦遺而螭紐猶沿於唐制矧茲舊物至自殊方遠參
乎嘉祐之文申述於元豐之日圖書具在檢玉借來
昔鏹采中原殆似魯弓之未得今觀光上國咸歆趙
璧之全歸於昭受命之符光啓中興之運恭惟

皇帝陛下聰文稽古神武御時山東三十餘州復行
王化河北二十四郡喜見官儀歸疆來泣於職方執
玉宜歸於典瑞肆卜大朝之吉聿修誕受之文景光
流聞時謂初見臣心存闕北身滯周南握乾符闡坤
珍幸際興隆之兆畏天命念祖業更觀保右之申

賀皇辰牋

天扶興運將盡復於故疆地極幽荒首來歸於舊物
慶均八表化始二南臣竊惟趙璧之言還豈但魯弓
之書得由元豐而來古四十載爛其款識之新迨建
炎而後九十五年觀此會朝之盛於赫皇靈之暢爰
覘內治之修恭惟 皇后殿下灑日齊明承天載物
無爲而治率賴於虞嬪有道之長本資於周妣顯膺
眷祐用獲休嘉臣謬守遐藩恪承詔綽披皇圖而覽
帝籍丕昭受命之符頌君德而舞石功遠想充庭之旅

元日受 寶肆赦謝表

效珍絕徽爰開受命之符班朔正牙式霈昭天之澤
皇歡四治輿誦一詞恭惟 皇帝陛下命于帝庭奄

有方夏堅好生之一念得多助於兩間眷言寶鎮之
維新實我龍藏之自舊由元豐而來百四十載爛其
檢識之文迨建炎而後九十六年昉此會朝之盛肆
商大賚胥錫羣美元臣屬守遐藩親逢盛典嘉與琪輿
之春蠶植咸欽廟社之威靈民勞汔可小康願益思於
先備胡滅誠爲大慶宜深軫於後圖

代宰臣以下賀雪表

銅渾考象適膏七日之初陽瑤域闔祥爰叶三登之
嘉運皇歡允洽民氣用諧恭惟 皇帝陛下迪德寅
恭儲神淵靜駿惠累朝之烈濟登必世之仁天池中
間感至誠而叶序霜露所墜聞盛德以來庭方一交

震動之初正萬彙咸張之日迺彰農瑞式見天心臣等幸睹休符與霑美澤七稽八證既未占而有孚十雨五風將自今而至後

代宰臣以下謝賜喜雪御筵表

雷在地復誕宣五穀之精雲上天需肆秩羣臣之燕禮嚴卜書書喜有年恭惟皇帝陛下寅御不符參侔真宰不待禱祠之事夙膺保佑之申當五陰一陽之交應六日七分之候至和攸被上瑞來臻雨而雨暘而暘得上下同流之妙食云食坐云坐極君臣相說之情臣等忻聞鳴鹿之三莫稱嘉魚之什爲民上而樂與人樂竊陋齊宮之遊思天下之飢由已飢敢